

四庫全書

子部

欽定四庫全書

子部  
海錄碎事卷十上

詳校官中書臣李彤

侍讀臣孫球覆勘

總校官進士臣繆琪

校對官中書臣王瓚

謄錄監生臣施銑

欽定四庫全書

海錄碎事卷十上

宋 葉庭珪 撰

帝王部

帝王門

整天

亘地稱皇整天作主

顏延年詩

秉籙握樞

秉籙御天握樞臨極籙符也天子執之以御制天下者

也樞北斗第一星握此以臨八極以取萬物所仰而知  
四時之不失也

王元長策秀才文

儋耳龍

明皇幸蜀德宗年十五有父老曰有儋耳龍在寧縮縮

畏賊乎

郭侯家傳

宅家

唐人呼天子為宅家

蘿圖

淮南子覽冥篇說女媧云功烈上際九天下契黃墟乘  
雷車服應龍驂青蛇援絕瑞席蘿圖黃雲絡前白螭後

奔

大奴

玄宗臨崩常翫一紫玉笛語侍官曰將此笛遺大奴大  
奴代宗小字

春皇

伏羲氏以木德稱王故曰春皇大昊氏居東方叶于木

德故曰木皇

拾遺記

商殷

湯伐桀金生水故為水德天下號曰商後曰殷者以契封商湯居殷受命故二號

三皇步

白虎通曰三皇步五帝驟三王馳五霸騫

題期立象

漢書注舜題五德之期立將起之象

簡聖

乾迴歷數簡聖授賢

握乾圖

握乾圖之休徵應五百之顯期曹植論光武

上儀

皇代之遐迹帝王之上儀罔不畢舉

蔡邕

相者導儀

魏文帝論周成王體上聖之休氣稟賢妣之詒謀周召

為保傅呂尚為太師口能言則行人稱辭足能履則相者導儀目厭威容之美耳飽仁義之聲所謂沉浸玄流而沐浴清風者矣

蔡邕

金符帝錄

尚書璣璣鈴湯受金符帝錄白狼銜鈎入殷朝

金天氏

少昊號金天氏

帝王世紀

黃軒



晉牽秀黃帝頌曰邈矣黃軒

問政青丘

庾信黃帝見廣成畫贊治身紫府問政青丘

帝暉臨幄

顏延年曲水序曰帝暉臨幄百司就列

都君

都君舜字也

帝王世紀

大巢氏

顏竣始學篇曰上古穴處有聖人教之巢居號大巢氏

日兄月姊

春秋感精符曰人主兄日姊月

大螾

呂氏春秋黃帝時見大螾言以土德王

握天鏡

握天鏡而授河圖執玉衡而運乾象

徐陵文

泰表戴干

乾鑿度曰泰表戴干鄭玄注云表者人形體之彰識也  
干盾也泰人之表戴干王劭言隋文帝有龍顏戴干之  
表指示羣臣

萬葉

韓顯宗上書曰愚謂代京宜建畿置尹一如故事崇本  
重舊以光萬葉

握乾符

西都賦握乾符闡坤珍言光武也

坤珍 見上

鋪鴻藻

鋪鴻藻申景鏢

東都賦

景鏢 見上

膺錄受圖

膺錄受圖順天行誅言漢高祖

東都賦

宅中圖大

彼偏據而規小豈如宅中而圖大

上

膺籙受符

膺籙受符五德更運

晉武帝華林園詩

規億載

規億載恢帝業

長楊賦

洪聖

三正迭紹洪聖啟運

陸士衡詩

纂隆

皇上纂隆

陸士衡詩

宅中拓字

奄受敷錫宅中拓字

顏延年詩

羲皇齊泰

踵羲皇而齊泰

七啟

宸厯

宸厯御宇注宸厯天子厯數也

沈休文彈奏

肇基景命

肇基景命高祖宣皇帝

廓帝紘

廓帝紘恢皇綱

班孟堅賓戲

函之如海

函之如海養之如春

上

參天地

參天地而施化

同上

宅天衷

宅天衷立民極衷心也極本也

顏延年詩序

拓世垂統

拓世垂統固萬葉而為量晉詔桓玄曰蕃衛王家垂固

萬葉

同上

握機創歷

握機創歷誕命建家 王元長詩序

彈壓山川

彈壓山川牢籠天地 同上

揆景緯



揆景緯以裁基求中和而經處

同上

### 放唐

展放唐之明文言堯也

班固典引序

### 纂修洪業

及孝宣承統纂修洪業

公孫弘贊

### 内外禪

堯舜内禪漢魏外禪内禪不舉兵戈外禪不用殘殺

晉紀

論

正位居體

正天子之位得中正之體

晉紀總論

蒙故業

蒙故業因遺策

過秦論

囊括四海

囊括四海并吞八荒

同上

日角

鄭玄尚書中候注日角謂庭中骨起狀如日光武隆準

日角

鉅公

羣臣有言見一老父牽狗云吾欲見鉅公注天子為天下父故曰鉅公鉅大也

三漏耳

見炳靈門

英姿四照

仰英姿之四照觀神藝之一發言明皇射弓獲兔

鼎玉龜符

干戈揖讓取之也殊途鼎玉龜符成之也一致

儀乾

儀乾開寶歷御極轉金輪宗楚客應制

奕世載德

奕世載德至於湯武而有天下

王命論

降佐昊穹

大人基命不擢才於后土明主聿興不降佐於昊穹

陸

機演連珠

天人啓慧

啓緯冥合天人啓慧巨吏切謀也

陸佐公石闕銘

乾顧

高皇赫矣仰膺乾顧

沈休文碑

登闕典

登三才之闕典啟天地之禁闡

陸士衡吊魏武帝文

帝德門

帝業附

皇流

帝迹懸衡皇流共貫

顏延年

桂海冰天

文軫薄桂海聲教燭冰天桂海南極冰天北極也

素

淑詩

迴霜收電

迴霜收電使不隕越

陸士衡表

禁生類藥

天監十六年勅太醫不得以生類為藥

斷織鳥獸

天監中勅公家織官紋錦並斷仙人鳥獸之形以為褻  
衣裁剪有傷仁恕

三服官

漢書詔罷三服官注齊有三服官春獻冠夏輕綃冬紈  
素

統揖羣元

陛下躬發聖德統揖羣元注揖與輯集三者皆同字出

民得四生

聖人在上民得四生一謂諸侯不私相攻民不私鬥二  
謂衣食足無凍餒三謂刑罰廢無天過之誅四謂民無  
癘疾

出賈誼書

一面驅禽

一面驅禽三方解網度信湯解網贊

聖猷王度



翹懷聖猷思仰王度

南郊賦

童牛童馬

周書文王語太子發曰吾厚德而廣惠不為驕侈不為  
泰靡童牛不服童馬不馳萬物不失其性

絜而不殊

骨肉之親有罪絜而不殊注絜明也殊絕也

宣帝紀

三條帶

錢倣進寶犀帶太祖曰朕有三條帶與此不同倣請宣

示太祖笑曰汴河一條惠民河一條五丈河一條做大

愧服 東齋記

扇暘

帝王世說武王見暘人擁而扇之

重明疊聖

重明疊聖元首康哉 李彪表

六瘼

頃者亢旱踰時人懷望歲陛下爰發明詔廣求六瘼同

禹湯之罪已六瘼六事也

皇明

西都賦天人合應以發皇明

皇基

圖皇基於億載

西都賦

四三皇

四三皇而六五帝曾何周夏之足言

景福殿賦

武創元基

武創元基文集大命上

載祀二三

載祀二三言即位六年也上

武義

武義粵其肅陳文教迄已優洽白馬賦

黠益

若然六器者猶以二皇聖哲黠益注黠他斗反增也演也長笛賦

萬流仰鏡

庶士傾風萬流仰鏡仰之以為鑒戒

顏延年釋奠詩

惠浸萌生

惠浸萌生信及翔泳注萌生萬物也

顏延年詩

纏民思

息肩纏民思注言結民心也

謝宣遠詩

休明

接景事休明注王孫滿曰德之休明

任彥升詩

王度清夷

但願隆弘美王度日清夷

傅長虞詩

皇道燠炳

皇道燠炳帝載緝熙

七啟

允當天人

受茲介福允當天人

阮嗣宗賦

伊周奉轡

伊周奉轡桓文扶轂

任彦升賦

千載一逢

千載一逢再造難答

任彦升表

三天二地

馳騫乎兼容并包勤思乎三天二地言賢君如此

司馬

相如難蜀檄

禔百福

上膺萬壽下禔百福禔氏移反

顏延年詩序

汪汪軌度

汪汪軌度恂恂德心

袁彥伯序

十五王

十五王而文始平之十六王而武始居之十七王而康

克安之

晉紀摠論

沈機先物

沈機先物深略緯文

光武贊

明明廟謀

明明廟謀糾糾雄斷

光武贊



因利乘便

因利乘便宰割天下言秦也過秦論

乾與坤區

包乾之與括坤之區海賦

右賢左戚

文帝詔先王望祀不祈其福右賢左戚先民後已今祠官祝釐皆歸福於朕躬朕甚愧之釐福也音僖

官奴婢

文帝赦天下免官奴婢為庶人

過行

朕既不敏嘗畏過行以羞先帝之遺德注行有過失也

西漢詔

沫風雨

高皇帝蒙霜露沫風雨注沫亦頓字胡內反沫洗面也

白日曬光

白日曬光幽隱皆照明月耀夜蟲蟲宵見曬暴也舒也

音山豉反

湛恩汪穢

湛恩汪穢威武紛紜湛音沈相如難蜀檄

遠撫長駕

遠撫長駕博恩廣施

同上

咸五登三

上咸五下登三言上可咸五帝之美下可登三王之

也

同上

鎔鈞庶品

鎔鈞庶品罔不和悅

蕃祉

荅三靈之蕃祉音煩多祉也 封禪文

逢吉丁辰

逢吉丁辰景命也 同上

睿才

已知聖澤深無限更喜年芳入睿才 李愷興慶宮詩

睿想

睿想入希夷真游到具茨錢起

繳大風

淮南子曰堯之時冥窳九嬰大風封豕鑿齒修蛇皆為  
害堯乃使羿誅鑿齒於疇華之澤殺九嬰於凶水之上  
繳大風於青丘之野上射十日而下殺冥窳斷修蛇於  
洞庭禽封豕於桑林高誘曰疇華南方九嬰水火為人  
害者北狄之地有凶水大風鷲

辨命論

日日新

湯之盤銘曰苟日新日日新又日新

螻蟻穴

尸子曰舜之行其猶河海乎千仞之溪亦滿之螻蟻之

穴亦滿之

沈休文碑

君道門

笑有為笑

韓昭侯曰明主愛一頓一笑頓有為頓笑有為笑

玉掌

晉孫惠傳含竒謨於朱唇握神策於玉掌

甲夜觀事

唐太宗曰若不甲夜觀事乙夜觀書何以為人君也

皇明

蘇良嗣上疏曰小人竊弄威福以虧皇明

日鏡

欲仰成陛下日鏡之明

恩澤門

恩紀

儲后降嘉命恩紀被微身言陸機為太子洗馬被恩遇

也

陸機詩

天波

塵洗天波謗絕衆口

陸士衡表

嘉澍

漢書冀蒙嘉澍



賜舖

賜舖音蒲合錢飲酒也漢律三人已上無故不得聚飲故時賜之以為恩

恩隱周渥

恩隱周渥注隱私也

馬賦

皎日期

願垂湛露惠信我皎日期

張華詩

渥洽

嘗被君之渥洽渥厚也洽澤也離騷

開弘曠蕩

開弘曠蕩重惜民命陳孔璋檄

澤普泛

澤普泛而無私法含弘而不殺王元長詩序

湛恩龐鴻

湛恩龐鴻易豐也封禪文

天胎

施及天胎少長曰天在孕曰胎天烏老反

萬歲雷

恩洽三時雨歡騰萬歲雷

吳子華應制

德洋恩普

德洋恩普物無不得其所相如難蜀檄

君臣門

在三之節

見師授門

君臣知等

李彪曰五帝臣不若君故君親攬其事三王君臣知等  
故共理機務

君者中心

君者中心臣者外體

四子講德論

天動星迴

天動星迴而宸極猶居其所璣璇輪轉而衡軸猶執其

中運命論

簡君

鳥則擇木臣亦簡君

潘安仁誄

非少主臣

上目送亞夫曰此鞅鞅非少主臣也

亞夫傳

和事天子

崔琬彈奏宰相宗楚客中宗令琬與楚客約為兄弟時  
人竊號為和事天子

政出多門

九舜十堯

桓範要論執權者衆雖九舜猶亂韓子云桀紂生而在  
上位雖十堯舜不能化之

一國三公

左傳狐裘蒙茸一國三公吾誰適從

一與一奪

又七年中一與一奪二三孰甚焉

符命門

五老入昴

堯見五老入於河一老人曰河圖將來告帝期又一曰河圖推龜告帝謀又一曰山川魚鼈荷聖恩又一曰河圖推龍銜玉繩歌訖五老飛於天入於鼎

任彦升令

侯日莫

龍馬銜赤文綠字圖候日莫以應堯

天寶符

唐開元末於弘農古函谷間得寶符遂改元為天寶

洲滿百

江陵先有九十九洲古老相傳洲滿百當出天子桓玄  
鑿破一洲以應百數隨而崩散太清末復生一洲明年  
而元帝即位

龍圖龜書

河圖挺輔佐曰黃帝曰余夢兩龍以白圖授予天老曰  
河有龍圖洛有龜書天其授帝圖乎

綠圖

黃帝齋於翠媯之川有大魚至魚沉白圖五色畢具蘭



葉朱文以授於帝名曰綠圖

司命益年

隋巢子天命夏禹於玄宮有大神人面鳥身降而福之  
司祿益富而國家實司命益年而民不夭

鳥集

周用鳥集而王

天符

天符既彰人瑞又明 四子講德論

天剖符

天剖神符地合靈契創億兆規萬世

楊雄劇秦美新

勾芒錫年

冊府元龜北齊樊遜對策云秦穆有道勾芒錫年號公  
涼德薦收降禍又李矯表云樞紐薦符勾芒錫壽又黃  
龍樞紐之使來授舜圖

祥瑞門

銀甕

瑞應圖云王者宴不及醉刑罰中則銀甕出焉

珊瑚鈎

瑞應圖王者恭信則珊瑚鈎見

喬雲瑞露

喬雲瑞露嘉蓮神芝

嘉蓮

見上

卿雲爛

尚書大傳於時俊乂百工相和而歌卿雲帝舜乃唱之

曰卿雲爛兮禮縵縵兮日月光華旦復旦兮

景雲

孫氏瑞應圖曰景雲者太平之應也孝經援神契天子孝則景雲出游

玉琯

漢章帝時舜祠下得白玉琯古以玉為琯

丹藁

神農時陸地生丹藁並生如車蓋

拾遺記

恭龍圃

香露下流成池因為恭龍圃

霞漿

時有流雲洗液名為霞漿

九穗禾

丹雀銜九穗禾上並拾遺記

木入斗

唐乾符中木入南斗術士邊岡以為帝王之兆木在斗

於文為朱而其應全忠也 諸集拾遺

天酒

甘露一曰天酒 神異經

玉英見

新垣說上欲出周鼎當有玉英見瑞應圖玉英五常並  
修則見上文帝也

碧珪

遯甲開山圖曰禹游東海得玉珪碧色如日月以自照

洞達幽明

文選別賦注

甘露榮泉

食甘露飲榮泉言泉有光華也

房中歌

抱重光

李奇曰太平之世日抱重光

倪寬傳

宣重光

癸亥宗祀日宣重光

倪寬傳

延喜玉

尚書璇璣鈴禹開龍門導積石玄圭出刻曰延喜玉受  
德天賜佩

河圖

尚書中候曰伯禹曰臣觀河伯人首魚身出水曰吾水  
河精也授君河圖

五麟七鳳

光武生有赤光照室影如五麟七鳳

金樓子

銅池



金芝九莖產於函德殿銅池中注銅池承雷也宣帝詔

玉露

天甘玉露地秀金芝江摠哀策文

翠龜負字

翠龜負字赤雀銜書江摠哀策文

遂寧佛現

徽宗初封遂寧郡王元符三年縣下慧照院忽覩佛像  
五次出現父老咸云遂寧佛出世越三年徽宗登寶位

金史卷之八十一  
卷十一  
人咸謂遂寧佛現之祥應在今日本遂州因改為遂寧  
府出本府圖經

### 大唐應運

瑞應山在合州舊經云隋義寧元年有工人於其上採  
柴中有文云大唐應運刺史陳華奏聞因名瑞應山

### 九莖

甘泉宮生芝九莖救天下

漢志

### 靈華

齋房歌云齋房產草九莖連葉蔓蔓日茂芝成靈華齋  
讀曰齋

萋莆

萋有清萋莆玉醴湛金甌瑞草也王者孝德至則生於  
其厨葉大如羽不搖自扇於飲食之中清涼以助供養  
劉子儀

嶽修貢

嶽修貢兮川效珎

班孟堅寶鼎詩

素鳥

獲白雉兮効素鳥

班固白雉詩

瑞應車

張揖曰山出象輿瑞應車也

德連木理

德連木理仁挺芝草

魏都賦

五芝

山海經赤芝一名丹芝黃芝一名金芝白芝一名玉芝

黑芝一名玄芝紫芝一名木芝

梢雲

江賦梢雲冠其嶮注孫氏瑞應圖曰梢雲瑞雲也人君德至則出若樹木梢梢然也

一年三秀

一年三秀注謂芝草

嵇叔夜詩

昴宿垂芒

昴宿垂芒德精降祉注德星也

任彥升序

雙脃共抵

雙脃共抵之獸

封禪文

般般獸

般般之獸樂我君圃

音班同上

濯濯之鱗

濯濯之鱗游波靈時

上

宛宛黃龍

宛宛黃龍與德而升

上

應圖合謀

應圖合謀窮祥極瑞

班固曲引序

玄柜黃鬻

周有素雉朱鳥玄柜黃鬻之事君臣動色左右相趨上

靈貺自甄

靈貺自甄甄成也表也 光武贊

龍叙之圖

受昭華之玉納龍叙之圖揚雄覈靈賦大易之始河序

龍馬雜貢龜書

陸佐公石闕銘

徵兆門

鳳度三橋

東昏侯與羣小立帽騫其口而舒兩翅名曰鳳度三橋  
群向後摠而結之名曰反縛黃麗梁武帝宅居三橋鳳度  
者鳳翔之驗黃麗者皇離為日而反縛之東昏敗之應

反縛黃麗

見上

永昌二日



郭璞言永昌之名有二日之象隆昌之號實亦同焉隆昌鬱林王年號

虵虹

太史令康相言於劉聰曰虵虹見彌天一岐南徹三日並照此皆大異其徵不遠也

朝會門

充庭車

後漢書永初四年春正月元會徹樂不陳充庭車注云

每大朝會必陳乘輿法物車輦於庭故曰充庭車時年  
饑故不陳也

朝珂

聽鼓事朝珂 李義山詩

入閣

唐制天子日御前殿見羣臣曰常參朔望薦食陵寢有  
思慕之感不能臨前殿則御便殿見羣臣謂之入閣前  
殿即宣政殿若今文德殿便殿即紫宸殿立仗必於前

殿喚仗則自東西閣而入故也

受圖籍

春王三朝會同漢京天子受四海之圖籍

東都賦

皇儀

究皇儀而展帝容

東都賦

騶唱

故事令僕中丞騶唱而入宮門至於馬道郭祚以為非  
敬言於帝納之下詔御在太極騶唱至止車門御在朝

堂至司馬門騶唱不入宮門自此始也

朝正月

今單于稱北藩臣朝正月宣帝紀

火城

唐百官早朝列燭有五六百炬謂之火城宰相至則撲滅

御宴門

樂池

天子休於玄池之上奏廣樂是曰樂池

穆天子傳

天歡

李宗楚等謝曰既陪天歡不敢不醉

三杯

見詩門

天盃

又曰敬舉天盃飲

李宗楚

百花醇

曲成雙鳳舞酒入百花醇

王禹玉玉津園錫宴詩

鈞曲

夜又更傳仙鶴語為延鈞曲與民娛是夕傳宣緩奏云露

臺樂

王禹玉詩

燕胥

我慙昔預春祠客曾夢鈞天侍燕胥

王禹玉祠太一

宸豫

楚筵光聖邸宸豫覽宏規

沈佺期應制

仙人六膳

仙人六膳調神鼎玉女三漿捧帝壺

沈佺期

玉女三漿

見上

皇歡浹

皇歡浹羣臣醉

東都賦

宸賞

月斜宸賞洽清吹入重關

武三思應制

軒駕

帝安石梁王宅侍宴應制梁園開聖鏡軒駕動宸表

上席

堯樽臨上席舜樂下前溪

姚崇應制

鎬飲洛宴

伊思鎬飲每惟洛宴

顏延年應制

蘭筵

竹町羅千衛蘭筵降兩宮

宗楚客

內料

內料大官之食



禹膳加

樂舉堯觴滿歌闌禹膳加李相侍宴詩

芍藥和

芍藥之和具而後進之子虛賦

賜宴門

大飲長歡

魏都守曲阜食飲兼人每賜食於前大飲長歡左右相屬數人益之乃供太祖壯之

甘露羹

李林甫婚鄭平鬢髮斑明皇幸林甫第賜食以甘露羹  
與平食之一夕鬢如黧

明皇雜錄

諸王修事

翰林學士賜食有物若畢羅大而味美謂之諸王修事  
也

雜說

銀餅啗

宣宗賜常溥孫宏銀餅啗食之甚美皆乳酪膏腴之所

為  
撫言

雲上

陸堅千秋節應制風移覃土宇雲上浹羣臣言賜宴也  
使雲上於天需事

蓬池鱠

荷靜蓬池鱠冰寒郢水醪注學士初上賜食皆是蓬菜  
池中鱠夏至後頒冰及燒香酒常和冰而飲禁中有郢

酒坊  
李德裕

中樽

始聞傳上命定是賜中樽

庾信謝賜酒

栢葉銘

庾信謝正旦賜酒栢葉隨銘至椒花逐頌來

儀衛門

服御附

雲旒

雲旒象漢徒宸網擬星懸言天子衛從如此

袁淑詩

朱權

朱權麗寒渚金鏃映秋山朱權憶竿也亦天子事上

鷹得按

韓渥苑中詩外使調鷹初得按中官過馬不教嘶注五  
方按使以鷹集初調習始能擒獲謂之得按上每乘馬  
必閤官馭方進謂之過馬

過馬

見上

鹵簿

古之用字鹵與櫓同本以載兵器之籍因此曰鹵簿

禁趨

禁趨隨曦馭曾城轉斗機

王禹玉詩

周廬

周廬千列徼道綺錯言宿衛也

班固西都賦

植鍬懸猷

植鍬懸猷用戒不虞衛尉之事也出張衡西京賦上所  
拜反下音代打更木也

嚴更署

周以鈞陳之位衛以嚴更之署

班固西都賦

### 鳳宸龍旗

揚龍旗而饗帝御鳳宸以承天徐陵勸進梁元帝

### 環列之尹

春秋左氏傳潘崇為太師且掌環列之尹注宮衛之官

列兵而環王宮

### 陞兵

陸兵偏近羽林營夜靜仍傳紫禁聲

鄭畋詩

蒲博具

韓顯上書曰諸宿衛內直者無令繕其蒲博之具

御三百

天子之御造父三百又云三百為御穆天子傳

八神警蹕

八神而奔警蹕兮振殷鑠而軍裝甘泉賦

綈几

天子玉几冬則加綿其上謂之綈几西京雜記



玉研滴滴

以玉為研以酒為滴以取不凍同上

黃屋車

紀信乘黃屋車傳左纛纛毛羽幢也在車衡左方上

乘輿

乘猶載也輿車也天子以天下為家不以京師宮室為常處則當乘車輿以行天下故羣臣託乘輿以言之也

亦或云車駕

出漢諸王傳

華芝

王禹玉後苑賞花釣魚禁籞平明帳殿開華芝初下未  
央來又清曉華芝度景陽華芝華蓋也亦曰彤芝蓋

輦出房

漢帝長樂宮朝十月皇帝輦出房百官執戟傳警之

叔  
通傳

鸞和

大戴禮王升車則聞鸞和之聲在衡曰鸞在軾曰和馬

行而鸞鳴鸞鳴而和應其聲曰鸞和

孔蓋翠旌

楚辭注孔雀之羽為車蓋

翠蓋鸞旗

翠蓋鸞旗畫鸞於旗

甘泉賦

玉車

方玉車之千乘注以玉飾車也

上

星旄

流星旄以電燭上

玉軟

肆玉軟而下馳注玉篩車也軟音大上

玉鑿言言

曳雲旗之離離鳴玉鑿之言言烏庚反思玄賦

罔車

建罔車之幕幕注罔車畢星也上

駟蒼螭

駟蒼螭乘玉輿

高唐賦

蜺為旌

蜺為旌翠為蓋言王者如此上

星樞扶輪

星樞扶輪月御案節

顏延年詩

申宮警守

申宮警守以崇不畜之威

陸士衡詩

魚甲貝冑

魚甲煙聚貝胄星離

王元長詩序

虹旃蜺旒

虹旃蜺旒

西京賦

芝蓋九葩

注以芝為蓋蓋有九葩之采也

西都賦

龍輶

龍輶華轡注輶上刻龍頭也爾雅曰截轡謂之輶

八神奔

八神奔而警蹕注八方之神也甘泉賦

六素虬

駟蒼螭分六素虬同上

六玉虬

乘鏤象六玉虬上林賦

秋御

備法駕理秋御注尹需學御夜受秋駕於其師司馬彪

曰秋駕法駕也魏都賦

飛輶戒道

飛輶軒以戒道環轂騎而清路勒五營使按部聲八鑾以節步顏延年馬賦

八鑾節步

見上

琕蓋

彫雲麗璇蓋注以玉飾蓋也顏延年詩

屬車

屬車之清塵從車也不敢斥言司馬長卿書



長麗

音離張衡賦前長麗使拂羽相如賦前長麗而後喬皇  
舊說鸞也

六飛

今陛下騁六飛馳不測

袁盎傳

先景乘

撫翠鳳之駕六先景之乘注馬行疾速常在景前也

禮官整儀

禮官整儀乘輿乃出

東都賦

鳳蓋

張鳳蓋建華旗

西都賦

乘時龍

登玉輅乘時龍言出獵

東都賦

鳳琴麗

鳳蓋琴麗和鑾玲瓏

東都賦

七萃

七萃鑾輿動千年瑞檢開

宗楚客應制

雲驂星蹕

雲駮驅半景星蹕坐中天

趙彥昭應制

鳳宸

鳳宸朝碧落龍圖耀金鏡

王維應制

雲輅

玉鑾登嶂遠雲輅出苑遲

錢起詩

藻駕

藻駕及時遊鮑昭為始興王作

千衛

竹町羅千衛蘭筵降兩宮

宗楚客詩

鳳蹕

仙樂龍媒下神臯鳳蹕留

王維應制

黃屋左纛

黃屋左纛注天子車以黃繒為蓋裏纛毛羽幢也

前漢

大菰

大菰晉先蚕注車駕住吹大菰發吹小菰即笳也

騎吹

列於殿庭者為鼓吹今之從行鼓吹為騎吹

騎執菰

漢鹵簿圖有騎執菰菰即笳也

大駕

天子出車駕次第謂之鹵簿有大駕有法駕有小駕

霜仗

羽林十二將羅列應星文霜仗懸秋月蜺旌卷夜雲李  
太白詩

周衛交戟

周衛交戟禁不時栢梁臺詩又周衛言霜衛周密也吳  
都賦

御遊門

夙御

夙御嚴清制朝駕守禁城  
顏延年詩

層虹

神行燭玄漢帝旆委層虹

沈約前緩聲歌

籟煙雨

九疑籟煙雨三山馭螭鴻

同上

回軫還衡

回軫還衡背阿房反未央

羽獵賦

千人舟

成帝於太液池作千人舟號合宮之舟

趙后外傳

龍橋

龍橋浮少海  
鵠蓋上中峯  
庾信駕幸終南山詩

鵠蓋

見上

龍旌鳳蓋

謝莊侍宴蒜山詩  
龍旌拂紆景  
鳳蓋起流雲

帳殿

春豫靈池近  
滄波帳殿開  
昆明池應制  
宋之問

春豫

見上



徵螢火

煬帝於景陽宮徵求螢火得數斛夜出遊山放之光徧  
岩谷

駟飛龍

駟飛龍兮駢駢南都賦

按平路

總萬乘兮徘徊按平路兮來歸南都賦

軼浮景

騰清霄而軼浮景

甘泉賦

入凌兢

馳閭闔而入凌兢閭闔天門名凌兢高絕寒涼之處甘

泉賦

鳳銜蕤

鸞鳳紛其銜蕤言銜纓綬也同上

織阿

陽子驂乘織阿為御注陽子孫陽也與織阿皆古之善

御者也 子虛賦

輕葦

輕葦承玉輦細草藉龍騎 丘希範詩

金駕

金駕映松山金輅也 顏延年詩

夾道陳

漢書宣帝登長平坂王侯迎者夾道陳也 鮑明遠詩注

扶宮

扶宮羅將相夾道列王侯

鮑明遠詩

驂飛黃

驂飛黃救雲輅

七命

出蒼垠

旌拂霄堦軌出蒼垠言天之畔也

七命

警蹕清夷

警蹕清夷表裏悅穆

顏延年詩序

天動神移

天動神移淵旋雲被以降於行所禮也

顏延年詩序

七萃連鑣

七萃連鑣九旂齊軌

王元長詩序

重英曲瑤

重英曲瑤之飾注重英彩畫之矛曲瑤車蓋玉也

王元

長詩序

迴輿駐罕

東觀漢記天子行有畢罕

同上

仙蹕

姚元崇應制游豫停仙蹕登臨到晚晴

龜津

綵旗臨鳳闕翠幕遶龜津謂洛水也龜負書出洛

宗楚

客應制

人間無

明皇東封至嘉會頓有兔起於御馬之前引弓傍射獲之時突厥遣其大臣頡利發入朝因扈從頡利發下馬

捧兔舞蹈曰聖人神武超絕若天上則不知人間無也

詔命門

發中之詔

羊祜讓台司表云降發中之詔加非次之榮

天書

見御史門

偃波虎爪

摯虞決疑要曰尚書徵召用虎爪書告下用偃波書以

防矯作

一文半字

舊制宣詔以謁者不知書故用拾遺把麻低聲摘句以助之後呂溫被喚把麻不肯去遂成故事柳宗元戲言云幸識一文半字何不與他把也

把麻

見上

黃紙勅

唐高宗上元三年以制勅施行既為永式用白紙多為虫蝕遂用黃紙



鳳詔

後趙石季龍置戲馬觀觀上安詔書用五色紙銜於木  
鳳口而頒之今大禮肆赦亦用此禮自石季龍始也

白麻

開元改翰林供奉為學士專掌內命凡拜免將相號令  
征伐皆用白麻

內命

見上

塗歸

詔勅有不便於事者塗却進之謂之塗歸杜陽編

甲令乙令

易先甲三日後甲三日注云甲者創制之令又若漢世

之時甲令乙令也

弘明集

尺一令

右鑿曰宰相三日不朝與尺一令歸第

鴉掖詔

文采自高鴉掖詔姓名應冠紫臺書

王禹玉

芝封詔墨

芝封詔墨春生潤綺結宮錢夕帶陰

王禹玉雪詩

雌黃牘

徐齊慰勞郡國詔牘方廣一尺雌黃塗飾其上

出隋書

銀詔

彩衣人競看銀詔帝親書

盧綸詩

天制天勅

宣帝改制詔為天制勅為天勅

受命如絲

受命如絲明之如緡四子講德論

格明詔

淮南王安雍闕奮擊匈奴者雷被等格明詔當棄市注

音閣謂鼓閣不行淮南王傳

紫泥書

鳳凰丹禁裏銜出紫泥書昔放三湘去今還萬死餘李

太白詩

封禪門

乾符坤珍

張說封禪頌神寶沓至乾符坤珍

登空躡岱

晉地理志序黃帝登空躡岱空謂空同山

玉檢石礎

玉檢所以受封石礎所以受玉唐音訓

銀牛 見山門

梨棗錢

後漢祭祀志注漢武封禪至太山下未上百官先上跪  
拜置梨棗錢于道以求福則詔書所謂酢梨酸棗狼籍  
散錢

昭姓考瑞

封泰山禪梁父昭姓考瑞

兒寬傳

鄔上忝

鄔上忝北里禾以為盛言封禪如此也

漢志

修封

武帝凡五修封於泰山

怨氣滿腹

光武建武三十年羣臣請封禪詔書曰即位三十年百姓怨氣滿腹吾誰欺欺天乎

封岱勒成

封岱勒成 東都賦言光武

握河沈璧

握河沈璧封山紀石帝王世紀曰堯與羣臣沈璧於河  
乃為握河記今尚書侯是也 王元長詩序

登介丘

登介丘太山也 封禪文

挈三神

挈三神之歡缺王道之儀

泰山靡記

泰山靡記梁父罔幾幾奠也



修德錫符

修德以錫符奉符以行事

進越

不為進越也言不為踰禮

慶成

上帝垂恩儲祉將以慶成

款謁天神

款謁天神修禮地祇

展案錯事

展案錯事案官也

名山顯位

名山顯位望君之來君乎君乎侯不邁哉

上並封禪文

登假皇穹

登假皇穹鋪衍下土

楊雄劇秦美新

增封廣禪

增封太山廣禪梁甫

同上

疾病遺忠

司馬相如洵行無節但有浮華之詞不周於用至於疾病而遺忠主上求取其書竟得誦述功德言封禪事忠臣效也

班固典引序

帝者上儀

帝者之上儀誥誓所不及也

同上

封神丘

封神丘兮建龍碣

班固銘

隆碣見上

巡狩門

良常山

秦始皇發句曲北垂山嘆曰巡狩之樂莫過於山海自  
今已往良為常也爾乃羣臣並稱壽嘆曰良為常矣乃  
改句曲北垂為良常之山

帝狩王游

虞風載帝狩夏諺頌王游

顏延年詩

宸駕

春方動宸駕東方也

同上

蹕嶠路

山祗蹕嶠路水若警滄流

同上

天儀

神御出瑤軒天儀降藻舟畫舟也

同上

靈誅

先驅摠昌會後至伏靈誅

宋之問禹廟詩

崇文駐步

崇文時駐步東觀還停輦

龜城

龜城秦惠王遣張儀收蜀之行跡築子城故殷文圭云象闕近災龜城出狩謂僖宗避巢寇出幸西川也

木偶馬

漢武帝因巡狩禮其名山大川用駒者悉以木偶馬代

征伐門

親征和戎附

揄妖霸

掃蕩遊氛克揄妖霸

北史

掃遊氛

見上

銳欲發

伍被為王言用兵權變於是王銳欲發注言王意欲發  
兵如鋒刃之銳也

鱸鮓

古者伐不敬取其鱸鮓築武軍封以為大戮於是乎有

京觀以懲淫慝鱷古鯨字

天下誅

長驅西征致天下誅

陳孔璋檄

兵不鈍鋒

兵不鈍鋒言兵未用而克

上

登寅車

登寅車而戒路執金板而先驅麾鉞一臨凶黨冰泮

金板先驅

見上



碎輶輻

碎輶輻破穹廬輶音汾輻於云反匈奴車也

長楊賦

指日遄逝

指日遄逝言定日而行也

潘安仁詩

龍戰虎爭

龍戰虎爭分裂諸夏

班孟堅賓戲

夷險芟荒

夷險芟荒掃除羣穢

同上

義征不諛

義征不諛諛順也 封禪文

武怒

奮其武怒運其神策

刷馬

刷馬江洲洗兵海島

動輒

盛暑行師詩人所重實非至尊動輒之時

二毛不戎

二毛不戎則老者無頓伏之患

投杯震怒

齊文宣嘗於東山游宴以關隴未平投盃震怒召魏收於前立為詔書宣示遠近將事西行西人震怒

纂嚴

皇帝親征纂嚴事畢解嚴

香火情

唐太宗令騎告突利可汗曰爾往與我盟急難相救今將兵來何無香火之情

交臂受事

單于震駭交臂受事屈膝請和交臂拱手也司馬相如

籍田門

青旗肅事

祥正而青旗肅事土膏而朱紘戒典注言行籍田禮青旗籍田之旗朱紘冠飾也王元長策秀才文

元旬

將宗嚴配必在元旬上旬也

震方千畝

普通三年詔曰平秩東作義不在南前代因襲有乖禮制可於震方具茲千畝於是徙籍田於東郊外

豫耕司

梁普通四年二月耕籍田賜孝悌力田爵一級豫耕之

司尅日勞酒

神倉

神倉所謂御廩也

青輅黛耜

籍田東郊青輅黛耜順春氣也注耒端曰耜

潘岳賦

紺轅綴於黛耜

籍斂時

籍斂之時掩收嘉穀師古曰籍斂謂收籍田也

房中歌

弄田

漢昭帝幼即位耕於鉤盾弄田注宦者近署故往試耕  
為戲弄

乙地

漢章帝正月北巡耕於懷縣其籍田儀正月始耕嘗以  
乙日祀先農及耕於乙地

三蓋車

宋文帝耕于辰地乘耕根三蓋車駕蒼駟建青旆佩蒼  
玉王公以下皆衣青

盡墾耕

唐明皇欲重勸耕籍遂進耕五十餘步盡墾乃止

千畝甸

皇帝親帥羣后籍於千畝之甸注甸郊野之稱籍田賦

青壇翠幕

青壇蔚其岳立翠幕黝以雲布春故也上

遐阡邇陌

遐阡繩直邇陌如矢上



葱耨

葱耨服于縹軛紺轅綴于黛耜耨牛也

上

御耨

乃降靈壇撫御耨

上

洪縻

洪縻在手牛轡也

上

禮動義舉

籍田以禮動大閱以義舉

魏都賦

缺三推

周宣墮千畝之籍號公納諫漢文缺三推之義賈生置

言吐回反

王元長策秀才文

八校

山川八校滿井邑三農竟

王維應制

郊祀門

竹宮

漢儀郊泰畤皇帝平明出竹宮東向揖日其夕西向揖

月

代牲以麩

梁天監中祈告天地宗廟以去殺之理欲被之含識郊廟牲牲皆代以麩其山川諸祀則否時以宗廟去牲則為不復血食朝野喧囂竟不從是年冬宗廟薦羞始用蔬果

薦用蔬果

見上

幔城

在郊丘故有帷幔城

清平官

南詔謂祠臣為清平官

夕裸宵燔

黃流凝夕裸紫焰亘宵燔

王禹玉郊祀慶成

宸幄帝輦

星拱低宸幄雲回護帝輦

王禹玉郊祀慶成

大圓

寶歷迎長至神丘放大圓

王禹玉郊祀慶成

千福一誠

靈宮千福墮清廟一誠專

王禹玉南郊

側班

側班回衆弁虛次待高煙注舊制親祠百官側班迎駕  
詔特止之自亞獻行禮不入小次拱立以俟升燎

王禹玉

虛次

見上

燭管蕭

燭管蕭注管腸間脂蕭香蒿燭人說反

漢房中歌

紫壇

爰熙紫壇熙興也

漢房中歌

嘉壇

圮嘉壇椒蘭芳圮摩也

漢房中歌

雍神休

惟漢十世將郊上玄雍神休雍讀曰擁

甘泉賦

靈辰

乃命羣僚歷吉日協靈辰星陳而天行<sub>上</sub>

八神警蹕

八神奔而警蹕<sub>上</sub>

玉車千乘

敦萬騎於中營方玉車之千乘<sub>上</sub>

上宿

秦嘗以十月上宿郊見注云上旬也

漢志

若光輝

文帝作渭陽五帝廟親郊見燿火舉而祠若光輝然屬

天馬

漢志

練時日

郊祀曲名也練選也

房中歌

三犧

薦三犧效五牲

東都賦

天行星陳

天行星陳清道案列

東京賦



元祀

元祀惟稱羣望咸秩注元大也

上

高煙

揚蘸燎之炎煬致高煙乎太一

東京賦

敬馨

神歆馨而碩德祚靈主以元吉

上

祚元吉

見上

大丙弭節

東京賦大丙弭節風后陪乘注淮南子曰鉗且大丙之御也馬莫使之而自走

皇皇帝天

魏明帝冬至祀皇皇帝天於圓丘

六鸞八駮

升金軒撫太僕揚六鸞齊八駮

郭璞南郊賦

二丘

齊孝閔祀圓丘詔曰予本自神農其於二丘宜作厥主

上天之緯

上天之緯香旭卉兮緯事也旭卉難知也

甘泉賦

郊祖展義

天子有事於柴丘以郊祖而展義

閑居賦

高燎煬晨

高燎煬晨金精照夜金精流星也

顏延年詩

萬玉陪

殷薦三神享明祠萬玉陪

宗楚客詩



海錄碎事卷十上